



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Governatore Deo
Distribvta**

Stengel, Georg

Ingolstadij, 1648

§. 7. Auaritiæ sitis, & thesaurizantium vanitas.

[urn:nbn:de:hbz:466:1-52359](https://nbn-resolving.org/urn:nbn:de:hbz:466:1-52359)

ac leges, modò Iustinianum turpis lucri socium, constitueret, eius causa euersa iacuerunt; facultatesq; omnes illius, qui falsò in crimen adductus erat, fuerunt in eius domum translata. Quis non exclamet: Execranda fames auri, sitis improba nummi!

§. VII.

Auaritia sitis, & thesaurizantium vanitas.

Qui mare bibunt, plus sitiunt, quia falsum est, ita qui opes acquirunt, acquirunt vnà & opum cupiditatem; quin & audaciam spemque maiorum diuitiarum adipiscendarum; quia cum pecunia potentiam acquirunt, qua inferiores deprimant. Quocirca eiusmodi principem aut regem Homerus *ἄποβόεον*, hoc est, *populinosorum* appellat. Et David ait: *Nonne cognoscent omnes, qui operantur iniquitatē, qui denorant plebem meam, sicut escam panis? Sed quid tali accidet? Panis eius, in utero illius vertetur in fel aspidum intrinsecus. Diuitias, quas denorauit, enomet, & de ventre illius extrahet eas Deus.* Nam quamquā in imagine ambulet homo, sitque ad imaginem & similitudinem Dei factus, tamen vanè conturbatur. Audi conturbationem eius, ait S. Augustinus, & vide, si non est vana, ut calces eam, transilias eam, & habites in excelsis,

Homerus
Iliad. 1.

Psal. 13. 4.

& Psal.

52. 5.

Iob. 20.

14.

Genes. 1.

Psal. 38.

S. Aug. in

Psal. 38.

excelsis, vbi non est ista vanitas. *Qua vanitas* Thesaurizat, & non cognoscit, cui congregabit ea. O insana vanitas! Beatus cuius est Dominus spes eius, & non respexit in vanitates, & insanias mendaces. Delirare tibi videor, anare, cum hac loquor, anicularia tibi videntur haec verba? Tu enim videlicet homo magni consilij, magnaq; prudentia, excogitas quotidie genera acquirende pecunia, de negotio, de agricultura, fortassis & de eloquio, de iuris consultatione, de militia; addis & de foenore. Homo cordatus nihil pratermittis omnino, vnde nummus super nummum, & in occulto diligentius acquiratur. Depradaris hominem, caues depredatorem: quod facis, times ne patiaris, & in eo, quod pateris non te corrigis. Sed non pateris, prudent enim homo es: bene seruas, non solum bene colligis. Habes vbi penas, cui committas, quo modo nihil pereat ex eo, quod congregasti. Interrogo cor tuum, discutio prudentiam tuam. Ecce collegisti, ecce ita seruasti, vt nihil possis amittere eorum, qua seruasti. Dic mihi cui seruas? Non tecum ago, non commemoro, non exaggero quidquid mali habet auaritia vanitatis tua: hoc unum propono, hoc discutio, quod mihi dat occasio lectionis huius Psalmi. Prorsus colligis, thesaurizas: non dico ne forte, dum colligis,

gis,

gis, colligaris: non dico, ne forte, cum vis esse prado, sis prada: hoc apertius eloquar. Fortassis enim cecus avaritia, non audisti, aut intellexisti: non dico, inquam, ne forte, cum vis esse prado minoris, sis prada maioris. Non enim sentis esse te in mari, nec cernis minores pisces à maioribus deuorari. Non dico ista, non dico difficultates & pericula in ipsa conquisitione pecunie: quanta patiantur, qui eam colligunt, quam in omnibus periclitentur, in omnibus panè mortem videant: transeo hac omnia. Prorsus colligis, nullo contradicente; seruas nullo auferente; excute cor tuum ac prudentiam tantam, qua me derides, qua me insipientem putas, hac loquentem, & dic mihi, *Thesaurizas, cui congregabis ea?* &c. In quam rem narrat S. Gregorius Nyssenus hominem avaritia absorptum, non solùm in suos plus quàm credi posset parcum, sed etiam in seipsum, iusto Dei iudicio, neq; sibi, neque filijs suis, quod collegerat, collegisse. Nam cum magnam vim auri comportasset, cui gryphis in modum incubaret, subita morte extinctus est. Itaque quia nemini vlli thesaurorum suorù latebras indicauit, filios familiamq; vniuersam pauperrimam reliquit: qui omnes stultitiam patris detestati sunt, vt qui asperitatem

S. Greg.
Nyss ho-
mil. in
vsur.

ritatem in se & suos dum viueret, summa egestate moriens cumulârit. Thesaurizauit iste, sed nesciens cui congregaret. Alioquin

S. Bonauent. in diætâ salutis tit. 1. c. 4.

S. Bonauentura auarum porco similem esse scribit, qui non nisi mortuus utilis est alijs, cum quæ sibi soli in vita collegerat, in morte alijs relinquat, animam diabolo, corpus vermibus, opes amicis. Iste autem ita industriè egit, vt opes eius ne filijs quidem relinquerentur. Quibus igitur? nesciuit, quoniam thesaurum illum reperturi essent, amicum, an inimici, malè gratias acturi.

§. VIII.

Prodigalitas è diuitijs.

Ob hæc talia, non solum non gaudendum est thesauris acquisitis, sed neque amissis dolendum est. Quis enim prudens doleat vanitate erepta, & veritate inuenta? Quis non lætatur vinculis, quibus tenebatur, diruptis? & catena, qua in exitium traheretur, à se ablata? Quamquam opes, non superbiæ tantum auaritiæque sunt instrumenta, sed, vt D. Chrysostomus ait, *diuitiarum sequela est luxuria, ira intemperans, furor iniustus, arrogantia, superbia, omnisq; irrationabilis motus.* Nemo quia diues est, duos ventres habet; & tamen plerique ita comedunt,

S. Chryl. lib. quòd nemo læditur, nisi a seipso.

diuitiarum sequela est luxuria, ira intemperans, furor iniustus, arrogantia, superbia, omnisq; irrationabilis motus. Nemo quia diues est, duos ventres habet; & tamen plerique ita comedunt,